



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

3. Pipini Regis Diploma Dat. Moguntiae, Anno XIV. Regni eius.

urn:nbn:de:hbz:466:1-14268

quillitatis normam, Sanctæ Apostolicæ nostræ, cui auctore Deo deseruimus, Ecclesiæ Priuilegium concederemus, nosque piæ petitioni tuæ assensum accommodare curauimus, decernentes Apostolicæ autoritatis præcepto, vt congregatio Deo ibi religiosè seruiens, sicut per præcedentia à Regibus eidem Cœnobio concessum est, liberam deinceps habeant creandi inter se, quem secundum Deum elegerint, sibi Abbatem, nec aliqua cuiuslibet dignitatis persona infra Monasterium prædictum, nisi à te, aliove Abbate tuo successore vocatus, quicquam pro suo libitu ordinare vel temere exercere præsumat. Præterea Apostolicâ nostrâ autoritate omnimodis interdiciamus, ne cui vnquam Ecclesiæ vel sedi, concambio aut aliquo ingenio subdatur, sed tali immunitate & libertate, quali regalia loca vtuntur, inoffensè & perpetualiter gaudeat. Ipse vero locus Monasterij sub Mundiburdio Regum vt permaneat, nullique vnquã personæ beneficiarius aut inuadendus pateat, sed ad tranquillitatem Monachorum ibi sub regula Sancti Benedicti Deo militantium quietus permaneat. Constituimus etiam, & hac paternâ dilectione tibi, tuisque successoribus concedimus, vt ad mysteria sacra in præcipuis festiuitatibus mitrâ, dalmaticâ, sandalijs vtaris, fraternitatem tuam commonentes, vt cum augmento honoris, augeatur etiam in te diuini virtus amoris. Prohibemus etiam, vt ex autoritate beati Petri, cuius vices, licet indigni in hac Apostolica sede fungimur, & funditus interdiciamus, vt nullus Dux, nullus Comes, nulla prorsus persona Ecclesiastica, siue mundana, in possessione vel allodio Sancti Maximini montem siue rupem capere, vel munitionem aliquam in eis facere præsumat, nisi fortè Abbas eiusdem Monasterij propter metum paganorum, vel propter incurSIONem malignorum hominum ad tempus, donec tranquillitas pacis redeat, se suosque interim muniat. Ad cumulum quoque vel augmentum monasticæ tranquillitatis adijcimus, ne qua cuiuslibet dignitatis persona, magnum vel minimum alienare vel imminuere de rebus Ecclesiæ præsumat, tam de his, quæ per te modo, vel per alios eidem Monasterio concessa sunt, quam ex his, quæ cæteri fideles pro remedio animarum suarum collaturi sunt. Si quis verò, quod absit, ausu nefario præsumpserit ea, quæ à nobis ad laudem Dei, pro stabilitate iam dicti Venerabilis Monasterij statuta sunt, infringere, aut in quodam violare: sciat se sub diuini iudicij retributione per interuentum Beati Petri Apostoli anathematis vinculo inextricabiliter innotatum, & à regno alienandum, & cum diabolo & eius sequacibus atrocissimis pœnis concremandum. Qui vero pio intuitu, & respectu diuini timoris obseruator huius nostræ præceptionis Apostolicæ extiterit, æternæ benedictionis gratiam à Christo Domino consequi mereatur. Scriptum per manum Benedicti Scriniarij Sanctæ Romanæ Ecclesiæ in Mense Ianuario Indictione XII.

3

*Pipini Regis Diploma Dat. Moguntia, Anno XIV.
Regni eius.*

Domino & Salvatore nostro vitam æternam in Euangelio promittente plena & integra fide sine dubio credimus nobis in futuro sæculo recompensari, si stabilitatem & quietem Monasteriorum confirmamus, ac res

Ecclesiasticas, Deo donante, cum protectione augmentamus. Proinde Ego Pipinus gratia Dei Rex Francorum, omnibus Regibus in æternum futuris in hoc testamento denuntio, me habere sub potestate Regali quoddam Monasterium, vbi Sanctus Maximinus Dei Præsul est corpore sepultus, constructum videlicet in suburbio Treuiris, atque dedicatum in honore Sancti Ioannis Apostoli & Euangelistæ. Quod Monasterium cum thesauro, atque totâ Abbatiâ sub illius loci Abbate semper constare præcipio, quia per antecedentia tempora à Regibus ita constitutum esse repertum teneo. Quapropter hunc præsentem Abbatem Vtilradum, & omnes Abbates post eum futuros, de eodem loco simul cum Monachis, & Abbatiâ sub Regum Mundiburdio in secula manere decerno: vt ab omni inquietudine expediti, Deo valeant seruire cum gaudio spiritali. Electionem quoque Abbatis supradictis Monachis concedo: vt habeant potestatem eligendi quemcunque, siue quocunque voluerint, eâ ratione, vt regulam cum sibi subiectis custodiat. Si quis autem, quod absit, hanc eam infringere voluerit, vel eiusdem loci familiæ vllam molestiam in aliquâ re intulerit contra voluntatem Abbatis, iram Dei incurrat, ac Regiæ Maiestati reus omni tempore teneatur. Et vt hæc descriptio firma sit, annulo sigillare eam iussimus nostro. Adalolfus resignauit. Datum (quod fecit mensis Ianuarii) in publico Palatio Moguntia decimo quarto regni nostri Anno feliciter.



4.

*Caroli Magni Imperatoris Diploma Datum Paderborne,
Anno Regni eius XL.*

a quomodo
b Carolus
c ac

c abbatiam
+ constituta
d reperi

IN nomine Patris, & Filij, & Spiritus Sancti. Notum sit omnibus in Christum fideliter credentibus Regibus, Episcopis, Ducibus, quod ego Karolus gratia Dei Rex Francorum, Longobardorum, & Patriarchus Romanorum pro remedio animæ meæ atque stabilitate Regni nostri Sanctorum Monasteria sub meo regimine constituta taliter volo per successiones temporum manere illæsa, qualiter per Antecessoris mei Priuilegia inueni esse firmata. Proinde quia Abbatiam S. Maximini in Priuilegio mei genitoris Pipini sub ipsius Mundiburdio repperi, Ego quoque delibero testamentum facere, per quod ipse locus atque Monachi ibi conuersantes sub nostra defensione cum quiete

valeant